



Dengan bantuan biasiswa Utusan, para pelajar bumiputera kini berpeluang melanjutkan pelajaran dalam bidang pengiklanan dan komunikasi di Kolej IACT.

Biasiswa IACT-UTUSAN: Buka peluang pelajar bumiputera dalam bidang pengiklanan dan komunikasi.

KUMPULAN Utusan dengan kerjasama Kolej IACT menawarkan biasiswa untuk lepasan Sijil Pelajaran Malaysia (SPM) dan Sijil Tinggi Persekolahan Malaysia (STPM) khas untuk para pelajar bumiputera bagi melanjutkan pengajian di dalam bidang pengiklanan dan komunikasi di Kolej IACT, Petaling Jaya.

Biasiswa ini sebagai menunaikan tanggungjawab sosial kepada komuniti bagi memenuhi keperluan korporat dalam usaha mencari potensi di kalangan pelajar bumiputera.

Kumpulan Utusan menawarkan lima jenis biasiswa bernilai RM100,000 untuk kursus diploma sepenuh masa di Kolej IACT. Kursus diploma yang ditawarkan adalah Diploma Periklanan dan Komunikasi, Diploma Komunikasi Massa, Diploma Kreatif Multimedia, Diploma Komputer Grafik dan Diploma Penyiaran.

Kolej IACT bermula di awal tahun 1970-an sebagai sebuah Jawatankuasa Pendidikan Bersama bagi Malaysian Advertisers Association (MAA) dan Association of Accredited Advertising Agents Malaysia (4As) dan seterusnya berkembang maju menjadi sebuah institusi pendidikan sepenuhnya pada tahun 1993. Ditubuh dan diasaskan oleh MAA dan 4As, Kolej IACT mempunyai pengalaman selama lebih 30 tahun di bidang pendidikan dan latihan yang menjurus kepada pengkhususan di dalam bidang pengiklanan dan komunikasi.

Sehingga kini, Kumpulan Utusan telah membiayai lebih 20 pelajar bumiputera yang mengambil kursus pengiklanan dan komunikasi di Kolej IACT sejak ia dilancarkan pada 2005.

Untuk menceburi bidang pengiklanan dan komunikasi, para majikan dalam industri media tidak hanya menilai latar belakang pendidikan seseorang, tetapi juga melihat aspek kemahiran dari segi praktikal dan pengalaman individu tersebut. Menyedari akan aspek penting ini, sebagai kumpulan korporat utama di dalam bidang media,

Kumpulan Utusan menawarkan lima jenis biasiswa bernilai RM100,000 untuk kursus diploma sepenuh masa di Kolej IACT

Kumpulan Utusan berharap untuk menjawat tenaga kakitangan yang profesional, dinamik dan kreatif dan memberikan kepercayaan sepenuhnya kepada Kolej IACT bagi melahirkan para graduan bumiputera yang mahir, cekap, berpengalaman, dinamik dan kreatif.

Di Kolej IACT, para pelajar akan diberi peluang menjalani latihan praktikal selama 3 bulan semasa kursus dijalankan bagi menambah pengalaman, kecekapan dan pengetahuan mereka. Para pelajar juga akan diberi peluang untuk berurusan dengan para pelanggan dari organisasi korporat sebagai pendedahan kepada dunia pekerjaan yang sebenar. Tenaga pengajar di Kolej IACT adalah dari golongan pelatih yang mempunyai pengalaman yang luas di dalam bidang pengiklanan dan komunikasi, dan juga mempunyai latar belakang yang kukuh dalam industri kreatif.

Para graduan dalam kursus diploma akan mempunyai akses untuk menyambung ijazah mereka selama satu hingga satu setengah tahun di universiti – universiti yang bergabung dengan Kolej IACT di Amerika, Australia dan United Kingdom.

Untuk maklumat lanjut mengenai Kolej IACT dan biasiswa Utusan, sila layari laman web Kolej IACT di www.iact.edu.my atau hubungi 03-7926 0211. (Hari terbuka kampus, 27 Mac 2010)



Galeri Kolej IACT - Mempamerkan hasil seni kreatif para pelajar.